



14. juli 2016

Inatsisartuni suleriaasianni § 37 naapertorlugu Naalakkersuisunut imaattumik apeqquteqarpunga.

Naalakkersuisunut apeqqutit:

1. Kalaallit Nunaanni inuit qanoq amerlatigisut namminneq inigisaminnik piginnittuuppat?

2. Init namminneq pigineqartut eqqarsaatigissagaanni, qanormita amerlatigisut Naalakkersuisut isumaat naapertorlugu nukissamik atuilluarnerusinnaappat?

(Inatsisartunut ilaasortaq Steen Lynge, Atassut)

Tungavilersuut

Atassut-ip politikkerivaa, innuttaasut ataasiakkaat sapinngisamik namminneq inuunerminnik akisussaaffimmik tigusinissaannut kajumissaarneqartariaqarput, namminnerlu akisussaaffimmik tigusineq akilersinnaasariaqarluni.

Inuiaqatigiit aningaasaqarnerannut peqqinnartuuvoq, innuttaasut ataasiakkaat namminneq inigisaminnik piginnittuugaagata, taamaasiornikkut inuiaqatigiit innuttaasut inissaqartitsinissaanut pisussaaffik annikillisinneqartarmat. Inuiaqatigiit aningaasaqarnerannut akikinnerusarpoq, innuttaasut ataasiakkaat namminneq inigisaminnik sanaartortitsillutillu aserfallatsaalinnissaat isumagigaagassuk.

Kisianni akisussaaffimmik tigusineq imminut akilersinnaasariaqarpoq. Naammangilaq ernianut ilanngaatitigut iliuuseqarnikkut innuttaasut namminneq inissaminnik pisinissaannut kajumissaarnissaat. Kisianni aamma akilersinnaasariaqarpoq inigisat taakkut aamma aserfallatsaalinissaat. Tassami pitsaasumik inuiaqatigiit aningaasaqarneranut sunniuteqartussaavoq inigisat nukissamik atuilluarnerusunngortinneqarnissaat, tassuunakkut inuiaqatigiit ikummatissanik tikisitsisarnikkut sipaarfiusinnaammat aammalu CO²-mut aningaasartuuteqarnermut.

Taamaattumik pisariaqarpoq erseqqissumik ilisimassallugit Kalaallit Nunaanni qanoq amerlatigisut namminneq inigisaminnik piginnittuunersut, taakkunaniillu Naalakkersuisut isumaat naapertorlugu qanoq amerlatigisut nukissamik atuilluarnerulersinneqarsinnaanersut, ajornannginnerusumik namminneq akisussaaffimmik tiguisinnaanermut iliuuseqarnissaq siunertaralugu.

Piumasarissavara ullut suliffiusut 10-t qaangiuttinnagit akissuteqarfigineqarnissara.